



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

CXXII. In Regno Peruano executio Decreti Conc. Tridentini de Regularibus
reclamantibus.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

Ecclesiasticas, aliasque pœnas in Statutis Ordinis præscriptas, etiam appellatione remota, & alias, prout plenius continetur in ipsius Alderani Episcopi Cardinalis, & Protectoris Decreto desuper edito, tenoris sequentis, videlicet. *Alderanus Episcopus Portuensis S. R. E. Cardinalis Cybo Seraphici Ordinis Sancti Francisci apud Sanctam Sedem Protector.* Attenta narratorum veritate, quæ ex documentis Sacræ Congregationi exhibitis Nobis constat, cupientes, tam perniciosæ liti finem, & perpetuum imponere silentium, præfatis PP. Commissario Generali Indiarum in Curia Matritensi, & Commissario Generali Indiarum in Provinciis Peruani respectiue residentibus, committimus, & districte mandamus, ut supra scriptas literas patentes P. Ministri Generalis, quarum tenorem præsentis nostro Decreto approbamus, & confirmamus, fideliter exequantur, & ab omnibus ad quos spectat in obsequium prædictæ Sacræ Congregationis, exequi, & inviolabiliter observari faciant cum facultate procedendi adversus inobedientes, & Rebelles ad Censuras Ecclesiasticas, aliasque pœnas in Statutis Ordinis præscriptas, nulla eis suffragante appellatione, quam pariter in obsequium ejusdem Sacræ Congregationis ab ejus Decreti executione juxta formam in dictis literis parentibus expressam ex nunc interdicimus, cassamus, & annullamus. Non obstantibus in contrarium quibuscunque. Romæ die 18. Septembris 1683. A Cardinalis Cybo Protector. Jo. Baptista Rusca.

§. 4. Cum autem, sicut eadem expositio subjungebat, præfatus Petrus Marinus Minister Generalis præmissa quo firmius subsistant, & serventur exactius, Apostolicæ confirmationis nostræ munimine corroborari summopere desideret: Nos specialem ipsi Petro Marino Ministro Generali gratiam facere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, patentes ejusdem Petri Marini Ministri Generalis literas, & memorati Alderani Episcopi Cardinalis, & Protectoris Decretum præinserta, cum omnibus, & singulis in eis respectiue contentis, auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint, supplemus.

§. 5. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab omnibus, & singulis, ad quos spectat, & spectabit in futurum, inviolabiliter observari: sicque in præmissis per quoscumque Judices ordinarios, & Delegatos, etiam causarum Palatii Apostolici Auditores, judicari, & definiti debere; ac irritum, & inane, si secus super his a quoquam, quavis auctoritate, scienter, vel ignoranter contigerit attentari.

§. 6. Non obstantibus Constitutionibus, & Ordinationibus Apostolicis, ac quatenus opus sit præfatorum Ordinis, & Provinciarum, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse

derogamus, cæterisque contrariis quibuscunque.

Datum Romæ apud Sanctam Mariam Majorem sub Annulo Piscatoris die IV. Octobris MDCLXXXIII. Pontif. nostri Anno Octavo.

Confirmatur Decretum Congreg. Concilii, quo injungitur Ordinariis Regni Peruani conservatio Decreti Concilii Tridentini de Regularibus reclamantibus adversus eorum professionem elapso quinquennio.

INNOCENTIUS PAPA XI.

Ad futuram rei memoriam.

Nuper pro parte dilecti filii Francisci de Rosellon Procuratoris Generalis Fratrum Minorum Ordinis S. Francisci de Observantia nuncupatorum in Indiis Occidentalibus degentium Congregationi Ven. Fratrum nostrorum S. R. E. Cardinalium Concilii Tridentini Interpretum exposito, quod quamvis vigore Decretorum dicti Concilii sess. 25. cap. 19. de Regularibus Religiosi prætendentes se professionem emisisse per vim, aut ante debitam ætatem, aut demum ex alia causa professionem irritante, non sint audiendi, nisi intra quinquennium a die professionis computandum, nihilominus in Regno Peruano invaluerat hæc corruptela, seu abusus, ut etiam lapsò quinquennio passim audirentur, si-gnanter vero Religiosi præfati Ordinis, inter quos ab anno 1664. citra obtinuerant declarari nullam eorum professionem Fratres mox recensendi, nempe dilecti filii Petrus Merca transacto jam quinquennio suæ professionis sub prætextu, quod quadam infirmitate habituali laboraret, Nicolaus Roderiguez XVIII. suæ professionis anno, cum allegasset sibi a Matre incussum metum, Franciscus de Quiros suæ professionis anno decimo sexto, Alphonus Quintana professionis anno vigesimo, & Didacus de Torres longe elapso quinquennio, cum deduxissent sibi illatam vim a Parentibus: Et in eadem expositione subjuncto, quod de præsentibus instabant pro simili declaratione dilecti etiam filii Marcellus Crespo actualis Custos, Bartholomæus Tiberio anno trigesimo sexto suæ professionis, Isidorus de Zepedefanno trigesimo, Franciscus Magaburu anno vigesimo secundo, ac demum Antonius de Requena, & Franciscus dela Rea, pluresque alii Fratres expresse professi Ordinis prædicti. Quoniam vero plurimum Religionum interest omnium, ne illi, qui eis nomen dederunt, tam facilem exitum a Religione inveniunt, pro parte dicti Francisci Procuratoris præfata Congregationi Cardinalium supplicato, quatenus decerneret, ut in posterum nullatenus audiantur, seu admittantur transacto quinquennio, nisi obtenta prius ab hac Sancta Sede in integrum restitutione, ac retento Religionis habitu: Emanavit ab eadem Congregatione Cardinalium Decretum tenoris, qui sequitur, videlicet die 28. Augusti 1683. Sacra Congregatio Emorum S. R. E. Cardinalium Concilii Tridentini Interpretum censuit servandam esse dispositionem ejusdem Sacri Concilii cap. 19. sess. 25. de Regularibus, & proinde injungendum, prout Decreti præsentis tenore districte injungit omnibus Ordinariis locorum Regni Peruani, quatenus dispositionem præfata omnino servent, F. Cardinalis Columna Præfatus A. Almicus Secretarius.

§. 1. Cum autem sicut idem Franciscus Procurator Nobis subinde exponi fecit, ipse Decretum hujusmodi, quo firmius subsistat, & servetur exactius Apostolicæ confirmationis nostræ patrocinio communiti plurimum desideret: Nos

CXXII.

Dat. 13. Oct. 1683. An. 8.

Species facti.

Causa Decreti Congregationis.

Decretum prædictum.

Preces Procuratoris Generalis Fratrum Minorum Ordinis

Decretum Cardin. Protectoris pro confirmatione, & executione relati Mandati.

Preces Ministri Generalis.

Confirmatio dd. Patentium Ministri Generalis, & Decreti Cardin. Protect.

Clausula.

& 1684.
S. Francisci
de Observan-
tia.

Confirmatio
relati Decre-
ti.

Clausula.

CXXIII.

Dat. 18. Jan.
1684. An. 8.

Species facti.

Causa man-
dati.

ipsum Francisci Procuratoris votis hac in re quan-
tum cum D. possumus favorabiliter annuere vo-
lentes, eumque a quibusvis excommunicationis,
suspensionis, & interdicti, aliisque Ecclesiasticis
Sententiis, censuris, & penis a jure vel ab ho-
mine quavis occasione, vel causa latis, si quibus
quomodolibet innodatus existit ad effectum præ-
sentium dumtaxat consequendum harum serie
absolventes, & absolutum fore censentes, suppli-
cationibus ejus nomine Nobis super hoc humiliter
porrectis inclinati Decretum præinsertum
auctoritate Apostolica tenore præsentium appro-
bamus, & confirmamus, illique inviolabilis Apo-
stolicæ firmitatis robur adjicimus, salva tamen
semper in præmissis auctoritate memoratæ Con-
gregationis Cardinalium.

§. 2. Decernentes easdem præsentibus literas
semper firmas, validas, & efficaces existere, &
fore, suosque plenarios, & integros effectus for-
tiri, & obtinere, ac illis ad quos spectat, & pro
tempore spectabit, inviolabiliter observari; Sic-
que in præmissis per quoscumque Judices Ordina-
rios, & delegatos, etiam Causarum Palatii
Apostolici Auditores judicari, & definiri debe-
re; ac irritum, & inane, si secus super his a quo-
quam quavis auctoritate scienter, vel ignoranter
contigerit attentari.

§. 3. Non obstantibus præmissis, ac Constitu-
tionibus, & Ordinationibus Apostolicis, cæteri-
que contrariis quibuscumque.

Datum Romæ apud Sanctam Mariam Majo-
rem sub Annulo Piscatoris die XIII. Octo-
bris MDCLXXXIII. Pontificatus nostri Anno
Octavo.

Mandatur pro Fratribus S. Francisci, ut in Belgio
servetur Constitutio Clem. VIII. circa erectio-
nem novorum Cenobiorum.

Litera, quæ hic annuntiantur, scilicet Clem. VIII.
habentur Constit. 99. tom. 3., & Urbani VIII. Con-
stit. 49. tom. 4.

INNOCENTIUS PAPA XI.

Ad perpetuam rei memoriam.

Exponi nobis nuper fecit dilectus filius Philip-
pus Corfelius Frater expressè professus, & in
Romana Curia Agens, sive negotiorum Gestor
Provinciarum Germano-Belgicarum Ordinis Fra-
trum Minorum S. Francisci de Observantia Re-
collektorum nuncupatorum quod juxta dicti Or-
dinis statuta per sel. rec. Urbanum PP. VIII. præ-
decessorem nostrum confirmata Cap. 3. §. 8. de
Ædificiorum constructione decretum sit, ut sin-
gulæ Provinciæ circa incommoda, sive damna
sibi de aliorum Conventuum nova ædificatione
imminentia omnibus remediis opportunis, & li-
citis in Curia Romana sese defendant. Provincia
vero Belgicæ ejusdem Ordinis ob introductionem
novorum Conventuum diversorum Ordinum
paucis abhinc annis plurima incommoda, &
gravia damna sint passæ, ac plura immineant, si
denuo alii ædificentur, ut diversis in locis pluri-
mi attentant, eum in finem sibi ruri, in pagis, &
Oppidulis per instantiam, & favorem Magnatum
loca deligentes, ex quibus, utpote vicinioribus
undique, jam stabilitorum Ordinis præfati Con-
ventuum consuetas elemosynas soli Fratres
Conventuum hujusmodi ex sui Institutum rigore
vivere coguntur, conquirunt, & stationes inva-
dunt, itaut plurimi Conventus ad summam in-
digentiam redigantur, & modo infinitis propo-
modum exponantur difficultatibus, & molestiis,
ut suo Instituto insiltere possint. Ipse Philippus
providere considerans, propter præmissa pluribus
in locis, habitationis plurimorum Religiosorum

capacissimis, eorum numerum notabiliter esse
diminutum, cumque Patria, ob continua Belli
tempora, sit adeo devastata, ut in extremis mi-
seriis homines vix subsistant, diminuendum fore
iterum non sine gravi Divini Officii, & regularis
disciplinæ præjudicio, si plures Conventus admit-
tantur, cum juxta Concilii Tridentini Decreta
is tantum Religiosorum numerus in Conventibus
esse possit, qui ex consuetis elemosynis com-
mode ali potest, adeout dictæ Provinciæ Belgicæ
ab ulteriori irreparabili damno præserventur,
plurimum cupit, auctoritate Apostolica præcipi,
ut Decretum rec. me. Clementis PP. VIII. præde-
cessoris pariter nostri hac in parte latum, quod
in illis partibus, vel hæcenus fuit ignoratum,
vel neutiquam observatum, accurate, sive pun-
ctualiter ibidem observetur.

§. 1. Nos igitur ejusdem Philippi votis hac in
re quantum cum Domino possumus favorabiliter
annuere volentes, eumque a quibusvis excom-
municationis, suspensionis, & interdicti, aliisque
Ecclesiasticis sententiis, censuris, & penis a jure,
vel ab homine quavis occasione, vel causa latis
si quibus quomodolibet innodatus existit ad effe-
ctum præsentium dumtaxat consequendum ha-
rum serie absolventes, & absolutum fore cen-
sentes, supplicationibus ejus nomine Nobis super
hoc humiliter porrectis inclinati, de Venerabili-
ssimo Fratrurn nostrorum S. R. E. Cardinalium
negotii, & consultationibus Episcoporum, & Re-
gularium præpositorum consilio, & attempta rela-
tione Ven. etiam Fratris nostri Alderani Episcopi
Portuen. ejusdem S. R. E. Cardinalis Cybi nun-
cupati, dicti Ordinis apud nos, & Sedem Apo-
stolicam Prætoris, præfatis Cardinalibus super
præmissis facta, Constitutionem memorati Cle-
mentis prædecessoris, quæ incipit, *Quoniam ad
Institutum &c.* circa præmissa servari, auctorita-
te Apostolica tenore præsentium mandamus, &
præcipimus, salva tamen semper in præmissis au-
thoritate Congregationis memoratorum Cardi-
nalianum.

§. 2. Decernentes easdem præsentibus literas
semper firmas, validas, & efficaces existere, &
fore, suosque plenarios, & integros effectus for-
tiri, & obtinere, ac illis, ad quos spectat, & pro
tempore spectabit inviolabiliter observari: sicque
in præmissis per quoscumque Judices Ordinarios
& Delegatos, etiam causarum Palatii Apostolici
Auditores judicari, & definiri debere, ac irri-
tum, & inane, si secus super his a quoquam
quavis auctoritate scienter, vel ignoranter conti-
gerit attentari.

§. 3. Non obstantibus præmissis, ac Constitu-
tionibus, & Ordinationibus Apostolicis, necnon
quatenus opus sit quorumvis Ordinum, etiam
juramento, confirmatione Apostolica, vel quavis
firmitate alia roboratis, statutis, & consuetudinibus,
privilegiis quoque, Indultis, & literis Apo-
stolicis in contrarium præmissorum quomodolibet
concessis, confirmatis, & innovatis, quibus
omnibus, & singulis, illorum tenores, præsentibus
pro plene, & sufficienter expressis, ac ad ver-
bum insertis habentes, illis alias in suo robore
permanens, ad præmissorum effectum hac vice
dumtaxat specialiter, & expressè derogamus, cæ-
teriisque contrariis quibuscumque.

§. 4. Volumus autem, ut earumdem præsen-
tium literarum transcriptis, seu exemplis, etiam
impressis manu alicujus Notarii publici subscrip-
tis, & sigillo personæ in Ecclesiastica Dignitate
constitutæ munitis, eadem prorsus fides ubique
locorum, tam in judicio, quam extra illud ha-
beat, quæ haberetur ipsis præsentibus, si forent
exhibita, vel ostensa.

Datum Romæ apud S. Petrum sub Annulo Pis-
catoris die XVIII. Januarii MDCLXXXIV. Pon-
tificatus nostri Anno Octavo.

Preces Agen-
tis Recolle-
ctorum.

Mandatum
prædictum.

Clausula.

Confir-